



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Հունիսի 24-ին Մայր Աթոռ Սուրբ Էջմիածնում համընդհանուր խանդավառություն էր տիրում: Միաձնաէջ Սուրբ Տաճարում, հանդիսապետությամբ Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսի, մատուցվեց Սուրբ Պատարագ, որի ընթացքին պատարագիչ Սրբազան Հոր՝ Մայր Աթոռ Սուրբ Էջմիածնի միաբան Գերաշնորհ Ս. Վիգեն արքեպիսկոպոս Այքազյանի ձեռամբ յոթ սարկավագներ ստացան քահանայական ձեռնադրություն և օծում: Ձեռնադրող Վիգեն Սրբազանը նորընծա քահանաներին վերանվանեց հոգևոր նոր անուններով. Էդիկ սրկ. Հակոբյանը՝ վերանվանվեց Ս. Մարտիրոս, Հայկ սրկ. Բարսեղյանը՝ Ս. Պարթև, Արման սրկ. Գևորգյանը՝ Ս. Միքայել, Մարտին սրկ. Մխիթարյանը՝ Ս. Գառնիկ, Էդուարդ սրկ. Խաչատրյանը՝ Ս. Սուշեղ, Հովհաննես սրկ. Սարգսյանը՝ Ս. Հրաչ, Արամ սրկ. Տեր-Մկրտչյանը՝ Ս. Թադեոս:

Ս. Պատարագի ընթացքին, «Ողջոյնի» պահին, Ամենայն Հայոց Կաթողիկոսը և Մայր Աթոռի միաբանները բարձրացան Սուրբ Խորան և շնորհավորեցին նորընծաներին:

Ձեռնադրությունից հետո Վիգեն Սրբազանն իր պատգամը ուղղեց նորած քահանա Հայրերին՝ անդրադառնալով հոգևորականի պատասխանատու կոչմանը Հայոց Եկեղեցու և մեր ժողովրդի կյանքում, հորդորեց լցվել առաքիլություններով ու հոգևոր շնորհներով և պատրաստ լինել սեփական անձը զոհելու հանուն Եկեղեցու և ժողովրդի: «Ձեզնից ոմանց անուններն ընտրվեցին որպես խորհրդանիշը մեր այն հոգևորականների, որ նահատակվեցին 1915 թվականին, նահատակվեցին հանուն Քրիստոսի, հանուն Հայ Եկեղեցու, հանուն մեր ժողովրդի: Դուք էլ ամեն օր պատրաստ պիտի լինեք զոհվելու ձեր Եկեղեցու և ձեր ժողովրդի համար», - ասաց Սրբազան Հայրն իր ոգեշունչ քարոզում:

Նույն օրը, երեկոյան ժամերգության ժամանակ, կատարվեց նաև վեղարի տվչության արարողություն: Ս. Պարթևը, Ս. Միքայելը և Ս. Գառնիկը, որպես կուսակրոն քահանաներ, ստացան վեղար և համալրեցին Մայր Աթոռ Ս. Էջմիածնի միաբանության շարքերը:

Մայր Աթոռում քառասնօրյա պահեցողության շրջանն ավարտելուց հետո Նորին Սրբության բարձր տնօրինությամբ նորած եկեղեցականները հովվական ծառայության կկոչվեն Հայաստանյայց Առաքելական Սուրբ Եկեղեցու թեմերում և Մայր Աթոռի տարբեր կառույցներում:

Պատարագի սրբազան արարողությանը ներկա էին Մայր Աթոռ Սուրբ Էջմիածնի բարերարներ ամերիկաբնակ տեր և տիկին Հրաչ Թուֆայանները, տեր և տիկին Միքայել Հարությունյանները, ԱՄՆ հայոց Արևելյան թեմի Թեմական խորհրդի ատենապետ տիար Օսկար Թաթոսյանը և Մայր Աթոռի բարերար, Գերագույն Հոգևոր Խորհրդի անդամ տիար Ջեյմս Գալուստյանը:

Տ. ՊԱՐԹԵՎ ԱԲԵՂԱ ԲԱՐՍԵՂՅԱՆ

(Ավագանի անունը՝ Հայկ)

Ծնվել է 1982 թ. հունվարի 5-ին Էջմիածին քաղաքում:

1988-1998 թթ. սովորել է տեղի Մաքսիմ Գորկու անվան թիվ 5 ռուսական միջնակարգ դպրոցում:

1998 թ. ընդունվել է Ս. Էջմիածնի Գևորգյան Հոգևոր Ճեմարան:

2004 թ. դեկտեմբերի 25-ին՝ Ս. Ստեփաննոս Նախասարկավագի տոնին, ձեռամբ Տ. Եզրաս եպիսկոպոս Ներսիսյանի, ձեռնադրվել է սարկավագ:

2006 թվականին պաշտպանել է ավարտաճառ՝ «Կյուրեղ Ալեքսանդրացու «Գիրք Պարապմանց»-ը հայ մատենագրության մեջ» թեմայով:

2005-2007 թթ. պաշտոնավարել է Մայր Աթոռի Տեղեկատվական համակարգում, ՔԴԿ-ում, Սևանի Վազգենյան Հոգևոր Դպրանոցում, հաշվապահությունում: Այժմ պաշտոնավարում է Դիվանատանը:

2007 թ. հունիսի 24-ին ձեռնադրվել է կուսակրոն քահանա՝ ձեռամբ Տ. Վիգեն արքեպիսկոպոս Այքազյանի՝ անվանվելով Հայր Պարթև:

Տ. ՄԻՔԱՅԵԼ ԱԲԵՂԱ ԳԵՎՈՐԳՅԱՆ

(Ավագանի անունը՝ Արման)

Ծնվել է 1975 թ. հունիսի 18-ին Երևանում:

1982-1992 թթ. սովորել է Երևանի թիվ 181 միջնակարգ դպրոցում:

1992-97 թթ. սովորել է ԵՊՀ Կիրառական մաթեմատիկայի ֆակուլտետում:

1997 թ. ծառայել է ՀՀ Զինված ուժերում:

1998-2000 թթ. ծառայել է Մալաթիայի Ս. Աստվածածին եկեղեցում:

2000-2006 թթ. սովորել է Ս. Էջմիածնի Գևորգյան Հոգևոր Ճեմարանում:

2006 թ. փետրվարի 23-ին, ձեռամբ Տ. Ներսես արքեպիսկոպոս Պողոսյանի, ձեռնադրվել է սարկավագ:

2006 թ. աշխատանքի է նշանակվել «Քրիստոնյա Հայաստան» թերթի խմբագրությունում:

2007 թ. փետրվարի 22-ին պաշտպանել է ավարտաճառ՝ «Մայր Աթոռ Սուրբ Էջմիածնի «Քրիստոնյա Հայաստան» երկշաբաթաթերթի մատենագիտությունը» թեմայով:

2007 թ. հունիսի 24-ին ձեռնադրվել է կուսակրոն քահանա՝ ձեռամբ Տ. Վիգեն արքեպիսկոպոս Այքազյանի՝ անվանվելով Հայր Միքայել:



ՄԻՍԺՐՈՂ ԵՎ ԵՊԻՍԿՈՍՆԵՐՆԵՐՆԵՐԸ ԵՐԵՎԱՆԻ ՍՈՐՈՑԻ ԵՐԱՆՈՒՄԻՆ

ՄԱՆԿԱԿՈՍՈՒՄԻ ՄԱՍԻՆ ԳՐԱԴԱՐԱՆԻ ՎԵՐԱԿՈՆԿՐԱԿՈՒՄԸ



Տ. ԳԱՌՆԻԿ ԱԲԵՂԱ ՄԽԻԹԱՐՅԱՆ

(Ավագանի անունը՝ Մարտին)

Ծնվել է 1979 թ. մայիսի 26-ին Երևան քաղաքում:

1986-96 թթ. սովորել է Կոտայքի մարզի Ջրվեժ գյուղի միջնակարգ դպրոցում:

1997-1999 թթ. ծառայել է ՀՀ Ձինված ուժերում:

2000-2004 թթ. սովորել է Սևանի Վազգենյան Հոգևոր Դպրանոցում:

2004-2006 թթ. սովորել է Ս. Էջմիածնի Գևորգյան Հոգևոր Ճեմարանում:

2006 թ. փետրվարի 23-ին, ձեռամբ Տ. Ներսես արքեպիսկոպոս Պողոսյանի, ձեռնադրվել է սարկավագ:

2006 թ. հունիսի 13-ից աշխատել է ՔԴԿ-ում որպես գործավար-քարտուղար:

2006 թ. մարտի 22-ին պաշտպանել է ավարտաճառ՝ «Վահանանց պատերազմը 481-484 թթ.» թեմայով:

2007 թ. հունիսի 24-ին ձեռնադրվել է կուսակրոն քահանա՝ ձեռամբ Տ. Վիգեն արքեպիսկոպոս Այքազյանի՝ անվանվելով Հայր Գառնիկ:

Տ. ՄԱՐՏԻՐՈՍ ՔԱՀԱՆԱ ՀԱԿՈԲՅԱՆ

(Ավագանի անունը՝ Էդիկ)

Ծնվել է 1978 թ. օգոստոսի 7-ին Էջմիածին քաղաքում:

1985-1995 թթ. սովորել է Էջմիածնի թիվ 12 միջնակարգ դպրոցում:

1996-1998 թթ. սովորել է Գյումրիի Հոգևոր Ընծայարանում:

1998-2004 թթ. սովորել է Ս. Էջմիածնի Գևորգյան Հոգևոր Ճեմարանում:

2003 թ. դեկտեմբերի 25-ին, ձեռամբ Տ. Սիոն եպս. Աղամյանի, ձեռնադրվել է սարկավագ:

2004 թ. աշխատել է Մայր Աթոռի Վեհարանում որպես սպասասրահի հյուրընկալ:

2005 թ. նոյեմբերից նշանակվել է Մայր Աթոռի հյուրընկալ:

2005 թ. հոկտեմբերի 29-ին պաշտպանել է ավարտաճառ՝ «Գլաձորի համալսարանը և նրա սաների ավարտական ատենախոսությունները» թեմայով:

2007 թ. հունիսի 24-ին, ձեռամբ Տ. Վիգեն արքեպիսկոպոս Այքազյանի, ձեռնադրվել է ամուսնացյալ քահանա՝ անվանվելով Տ. Մարտիրոս քահանա:

Տ. ԹԱԴԵՈՍ ՔԱՀԱՆԱ ՏԵՐ-ՄԿՐՏՅԱՆ

(Ավագանի անունը՝ Արամ)

Ծնվել է 1982 թ. ապրիլի 14-ին Ախուրյանի շրջանի Ագատան գյուղում:

1989-99 թթ. սովորել է տեղի միջնակարգ դպրոցում:

1999 թ. սովորել է Գյումրիի Հոգևոր Ընծայարանում:

2000-2006 թթ. սովորել է Ս. Էջմիածնի Գևորգյան Հոգևոր Ճեմարանում:

2005 թ. դեկտեմբերի 25-ին, ձեռամբ Տ. Եզրաս եպս. Ներսիսյանի, ձեռնադրվել է սարկավագ:

2006 թ. մարտին պաշտպանել է ավարտաճառ՝ «Հովհաննես Մրքուզ Զուղայեցու կյանքը, գործը, մատենագրական ժառանգությունը» թեմայով:

2006 թ. հուլիսից աշխատել է «Էջմիածին» ամսագրի խմբագրությունում որպես առաքիչ:

2007 թ. հունիսի 24-ին, ձեռամբ Ս. Վիգեն արքեպիսկոպոս Այքազյանի, ձեռնադրվել է ամուսնացյալ քահանա՝ անվանվելով Ս. Թադեոս քահանա:

Տ. ՀՐԱՉ ՔԱՀԱՆԱ ՍԱՐԳՍՅԱՆ

(Ավագանի անունը՝ Հովհաննես)

Ծնվել է 1982 թ. հոկտեմբերի 10-ին Մեծամոր քաղաքում:

1990-2000 թթ. սովորել է տեղի միջնակարգ դպրոցում:

2000-2004 թթ. սովորել է Սևանի Վազգենյան Հոգևոր Դպրանոցում:

2004-2006 թթ. սովորել է Ս. Էջմիածնի Գևորգյան Հոգևոր Ճեմարանում:

2006 թ. փետրվարի 23-ին, ձեռամբ Ս. Ներսես արքեպիսկոպոս Պոզապալյանի, ձեռնադրվել է սարկավագ:

2007 թ. մայիսին պաշտպանել է ավարտաճառ՝ «Վերջին օրերի վարդապետությունը Հայ Առաքելական Սուրբ Եկեղեցու և Լյութերական Եկեղեցու դավանանքում» թեմայով:

2007 թ. հունիսի 24-ին, ձեռամբ Ս. Վիգեն արքեպիսկոպոս Այքազյանի, ձեռնադրվել է ամուսնացյալ քահանա՝ անվանվելով Ս. Հրաչ քահանա:

Տ. ՄՈՒՇԵՂ ՔԱՀԱՆԱ ԽԱՉԱՏՐՅԱՆ

(Ավագանի անունը՝ Էդուարդ)

Ծնվել է 1982 թ. հունվարի 1-ին Երևան քաղաքում:

1988-1998 թթ. սովորել է Երևանի Ալեքսանդր Բլոկի անվան թիվ 122 միջնակարգ դպրոցում:

1998-2000 թթ. սովորել է Գյումրիի Հոգևոր Ընծայարանում:

2000-2006 թթ. սովորել է Ս. Էջմիածնի Գևորգյան Հոգևոր Ճեմարանում:

2006 թ. փետրվարի 23-ին, ձեռամբ Ս. Ներսես արքեպիսկոպոս Պոզապալյանի, ձեռնադրվել է սարկավագ:

2006 թ. հուլիսի 13-ից աշխատել է Մայր Աթոռ Սուրբ Էջմիածնի Միջեկեղեցական հարաբերությունների գրասենյակում որպես գործավար-քարտուղար:

2006 թ. մարտի 22-ին պաշտպանել է ավարտաճառ՝ «Դրվագներ Ռուս Ուղղափառ Եկեղեցու պատմությունից» թեմայով:

2007 թ. հունիսի 24-ին, ձեռամբ Ս. Վիգեն արքեպիսկոպոս Այքազյանի, ձեռնադրվել է ամուսնացյալ քահանա՝ անվանվելով Ս. Մուշեղ քահանա: